

AQOON MA U LEEDAHAY

# Mawlidka



WAXAA QORAY  
SHEEKH MUUSE MAXAMED C/RAXMAAN TARAX

## FAHRASKA KITAABKA

Mahadnaq.....	3
Hordhac.....	4
Side loogu saliyaya Rasuulka calayhi salaatu wasalaam.....	9
Taariikhda mawlitu nebiga iyo wakhtigii ugu horaysay ee lalayimaado.....	
Xukunka shareecada uu ku yeelanayo mawlidku.....	14
Hadalada shirkiga ah ee ku jira mawliidka.....	
Maxay culimada islaamku ka yidhaahdeen mawlidka.....	38
Gebagebo.....	40

## Mahadnaq

Mahad iyo aamaan waxaa iska leh llaahay, Allaah ayaanu mahadinaynaa, kaalmo iyo dambi dhaafbaanu ka dalbaynaa,

Qofkii uu hanuuniyo cid lumin kartaa majito, cidii uu lumiyona cidi mahanuunin karto, waxaan qirayaa oo aan carabka kaga dhawaaqayaa, qalbigana ka ictiqaadsanahay mid xaq lagu caabudaa inuuna jirin llaahay mooye, cid lawadaagtaana majirto, waxaan qirayaaa in maxamadha adoonkiisii iyo Rasuulkiisiicalayhi salaatu wasalaam yahay,naxariis iyo nabadgelyo korkiisa ha ahaatee.

Intaa kadib:- Wuxaan halkan ku soo bandhigayaa qoraal kooban oo ku saabsan xukunka shareecada islaamku ka qabto in mawlitu -Nebi- ama dabaal deg loo sameeyo dhalashadii Rasuulka calayhi salaatu wasalaam, waxaan halkan ku sheegi doonaa dhawr arrin oo ku saabsan mawlitu nebiga wuxa loo yaqaano,

## Hordhac:

### **Xaquuqda Rasuulka calayhi salaatu wasalaam:-**

Rasuulkeena calayhi salaatu wasalaam suuban naxariis iyo nabad gelyo korkiisa ha ahaatee, waxaa jira xuquuq waajib ah oo uu inagu leeyahay, xuquuqdaas oo qofkasta oo Muslim ah ay waajib ku tahay inuu fuliyo oo dhawro,

Waxaa xuquuqdaa ugu horeeya:

in la rumeyo in uu yahay Rasuulkicalayhi salaatu wasalaam llaahay soodiray ee shareecada iyo risaalada inoogu soo dhiibay, xaqan oo ah mid ay xambaarsantahay shahaadatu anna maxamadan Rasuululaah.

Waxay keensanaysaa shahaadadaa Rasuulka calayhi salaatu wasalaam aynu uga marag kacayna waxyaabahan soo socda

- in la rumaysto waxkasta oo Rasuulka calayhi salaatu wasalaam sheego oo uu kawaramo
- in lagu adeeco waxa uu faro oo sidiisa loofuliyo
- In waxa uu diido ee uu reebo laga dheeraado.
- In llaahay lagu caabudo shareecada nebiga uu inoogu soo dhiibay oo aan wax kele lagu caabudin.

waxaa ka mid ah xuquuqda Rasuulku calayhi salaatu wasalaam innagu leeyahay in la ixtiraamo oo la tawqiiriyo oo laga fogaado waxii dhib iyo meelkadhad rasuulka calayhi salaatu wasalaam ku ah. Waxaa llaahay yidhi:

لَتُؤْمِنُوا بِاللَّهِ وَرَسُولِهِ وَتَعْزِيزُوهُ  
وَتُوقِرُوهُ ..... (آلية) سورة الفتح، آية (٩)

Waxyabaha waynanynta ka hor imanaya waa ka mid ah cayda iy aflagaadada dadka qaarkood Rasuulka calayhi salaatu wasalaam u gaystaaan taas oo ah arrin islaamnimada burinaysa. Waa xuquuda Rasuulka calayhi salaatu wasalaam ka mid ah in lagu daydo oo sunnadiisa la raaco

Waxaa u dalil ah aayada llaahay ku yidhi:

لَقَدْ كَانَ لَكُمْ فِي رَسُولِ اللَّهِ أَسْوَةٌ حَسَنَةٌ لِمَنْ كَانَ  
يَرْجُوا اللَّهَ وَالْيَوْمَ الْآخِرِ (٢٠) سورة الأحزاب، آية

Waxaa idiinku sugar Rasuulka calayhi salaatu wasalaam llaahay ku dayasho wanaagsan,kiinil rajaynaya llaahay iyo maalinta dembe la kulankeeda.

Waxaa aayado badan llaahay ku faray in Rasuulka calayhi salaatu wasalaam la-addeeco oo la-yeelo amarkiisa, sida qawlka llaahay yidhi:

(وَأَطِيعُوا اللَّهَ وَأَطِيعُوا الرَّسُولَ)

llaahay iyo Rasuulkiisacalayhi salaatu wasalaam  
yeela,

Waxa kala oo llaahay ku tilmaamay in hanuunku ku  
jiro adeecitaanka Rasuulka calayhi salaatu  
wasalaam, sida uu yidhi:

(وَإِنْ تَطِعُوهُ تَهْتَدُوا ) .

Waxa kele oo Rasuulka calayhi salaatu wasalaam  
yidhi, sida ku sugaran xadiis saxiix ah oo bukhaari iyo  
muslimba soo saareen, oo uu soo warinaayo  
saxaabiga la yidhaahdo Abuu Hurayra,

كُلُّ أُمَّةٍ يَدْخُلُونَ الْجَنَّةَ إِلَّا مَنْ أَبْيَى، قَيْلَ:- وَمَنْ ( )  
يَأْبَى يَا رَسُولَ اللَّهِ؟ قَالَ:- مَنْ أَطَاعَنِي دَخَلَ الْجَنَّةَ  
(وَمَنْ عَصَانِي فَقَدَ أَبْيَى)

Waxa Rasuulka calayhi salaatu wasalaam yidhi  
**ummadaydu jannada ayay wada gelayaan qof**  
isagu iska diida mooyee, waxaa lagu yidhi: yaa  
diidayaa Rasuul allaw? Waxuu yidhi: **qofkii | adeecaa**  
jannada ayuu gelayaas ,kii i caasiyaana wuu iska  
diiday.

waxaa ka mid ah xaquuqda Rasuulka calayhi salaatu wasalaam in aynu jeclaano oo aynu ka jeclaano lafaheena iyo ubadkeena iyo dadka oo dhan, waxa llaahay yidhi saree oo ceeb ka hufnaaye :-

النبي أولى بالمؤمنين من أنفسهم) سورة (  
الأحزاب، آية (16).

Waxa macnaheedu yahay **Nebiga** ayaa uga mudan muminiinta lafahooda.

Waxuu kaloo Rasuulku yidhi calayhi salaatu wasalaam

لا يؤمن أحدكم حتى أكون أحب إليه من والده  
وولده والناس أجمعين) متفق عليه من حديث أنس.

Midkiin laga helimaayo iimaan illaa uu iga jeclanayona waalidkiisa iyo ilmaha uu dhalay iyo dadkoo dhan.

Hadaba qofka aan Rasuulka calayhi salaatu wasalaam jeclayn waa qof aan lahayn iimaan dhab ah.Waxaa calaamad u ah jecaylka Rasuulka, naxariis iyo nabad gelyo korkiisa ha ahaatee. In la raaco sunnadiisa oo dadka loogu baaqo, oo la jeclaado cidda sunnada Rasuulka ku dhaqmaysa, cidda sunada khilaافتانا la naco. Oo layska ilaaliyo in lagu

dhaqmo wax aan sunnada Rasuulka calayhi salaatu wasalaam ka mid ahayn.  
Waxaa llaahay yidhi:

قُلْ إِنْ كُنْتُمْ تَحْبُّونَ اللَّهَ فَاتَّبِعُونِي يَحْبِبُكُمُ اللَّهُ وَيَغْفِرُ لَكُمْ ذَنْبَكُمْ (آل عمران، آية 31)

Waxa llaahay ku yidhi Nebigiisa, **waxaad** ku tidhaahdaa hadaad jeceshihiin llaahay isoo raaca llaahay ayaa idin jeelaan oo idiin dembi dhaafiyeh.

Waxaa dhab ah oo la wada garanayaan in qofku cidda uu jecelyahay uu ku daydo oo uu raaco, ma dhici karto in qofku ciduu jecelyahay caasiyo ama ku Dayan waayo, markaa waa in laynaga helo Rasuulka raacitaankiisa, si jecaylka Rasuulka aynu jecelnahay dhab u noqoto.

Waxaa kele oo ka mid ah xuquuqda Rasuulka calayhi salaatu wasalaam in lagu salliyo, llaahay ayaa ina faray inaynu salino,  
waxaa llaahay yidhi :-

إِنَّ اللَّهَ وَمَلَائِكَتَهُ يَصْلُوُنَ عَلَى النَّبِيِّ، يَا أَيُّهَا الَّذِينَ آمَنُوا صَلُوْا عَلَيْهِ وَسَلَّمُوا تَسْلِيمًا (سورة الأحزاب، آية 55).

Waxaa jira meelo kela duwan oo si-gaar ah, laysku amray saliga Rasuulka calayhi salaatu wasalaam, waxaa kamid ah: -

Markasta oo Rasuulka calayhi salaatu wasalaam la soo hadal qaado, fadhiga ugu dambeeyaa ee salaadana waa waajib in lagu saliyo Rasuulka calayhi salaatu wasalaam sharafte leh.

Marka qafku ducaysanayona waxaa la amray in uu Rasuulka calayhi salaatu wasalaam ku saliyo.

Waxaa Rasuulku calayhi salaatu wasalaam yidhi:-

من صلی علیٰ واحدۃ صلی اللہ علیہ بھا عشراء  
أخرجہ مسلم وابو داؤد والترمذی .

Qofka hal jeer igu saliya waxaa llaahay ku saliyaa toban jeer.

Markaa qofka saliga nebiga diidaa waa qof gaal ah .

### Side loogu saliyayaa Rasuulka calayhi salaatu wasalaam?

Ku saliga Rasuulku waa cibaado oo ajar badan baa ku jira, hadaba sida loogu saliyayo waa sida Rasuulku calayhi salaatu wasalaam cadeeyay oo saxaabada u baray waa siday saxaabada iyo taabiciyiintu ugu

saliyi jireen waxaana arinkaa inoo cadaynaya Axaadiis saxeexa oo aad iyo aad u tiro badan. Hadaba waxaynu halkan ku sheegi hal xadiis oo bukhaari iyo muslim ku xusan waana xadiiska sedan laftigiisu yahay:-

عن عبد الرحمن بن أبي ليلى قال: - لقيني كعب بن عجرة ، فقال: - ألا اهدي لك هدية؟ إن النبي صلى الله عليه وسلم خرج علينا، فقلنا: - يا رسول الله قد علمنا كيف نسلم عليك، فكيف نصلِّي عليك؟ فقال النبي ﷺ: - «قولوا: اللَّهُمَّ صَلِّ عَلَى مُحَمَّدٍ، وَعَلَى أَلْيَهِ وَسَلِّمْ، كَمَا صَلَّيْتَ عَلَى إِبْرَاهِيمَ وَعَلَى أَلْيَهِ وَسَلِّمْ، إِنَّكَ حَمِيدٌ مَجِيدٌ، وَبَارِكْ عَلَى مُحَمَّدٍ وَعَلَى أَلْيَهِ وَسَلِّمْ، كَمَا بَارَكْتَ عَلَى إِبْرَاهِيمَ وَعَلَى أَلْيَهِ وَسَلِّمْ، إِنَّكَ حَمِيدٌ مَجِيدٌ».

Waxaa xadiiska macnihiisu Yahay: - wuxuu yidhi taabiciga magaciisa la yidhaaho Cabdi raxmaan Ibnu Abii Laylaa" waxa ila kulmay saxaabiga la yidhaa {kacbi ibnu cujra markaa suu yidhi:- markuu hadiyadeeyaa hadiyad? Nebiga ayaa naxariis iyo nabad gelyo korkiisa haahaatee" noo soo galay dabadeedna waxaanu ku nidhi Rasuulkii Ilaahayow waanu garanay sidaanu kuu salamnaye ee sidee kuugu salincaa?

Dabadeed wuxuu yidhi Rasuulkii: - **waxaa tiraahdaan Ilaahayow kusali maxamed iyo eheladiisa sidaad ugu saliday nebiyulaahi Ibraahim iyo ehelkiisa**

Adaa amaano iyo sharaf balaadhanbaleh oo barakee maxamed iyo ehelkiisa sidaad ubarakaysay ibraahim iyo ehelkiisa adaa amaan iyo sharaf balaadhanbalehe.

Qaabka iyo qaabab kale oo ka dhow ayaa axaadiista saxiixa ah tilmaamaysaa waana kaa saliga Rasuulka ee llaahay Ina faray waana sidii Rasuulka saxaabada baray waana sida marka salaada lagu jiro loogu saliyo  
Haday si kale jiri lahaydna Rasuulku saxaabada ayuu Bari lahaa

Qofka ku saliya Rasuulka waa inuu sidaa ugu saliyaa waxaa markaa mudan in lakala saaro oolakala garto saliga Rasuulka iyo qasaa, ida la akhriyo marka maawlitu nabiga iyadoo mawlitu nabigu jirin ayay saxaabodu sidaa Rasuulka ugu saliyijireen maynay qaadijirin qasaaidkan hada la akhriyo wax yaabha layaabka leh waxaa kamid ah in lakagaran waayo saliga Rasuulka iyo qasaaida laqaado oo markaa qofka diida mawlidka layidhaa saligii Rasuulka ayuu diidan yahay!!

Waxaa taasi ay lamacnatahay in layidhaahdo qofka mawlidkaa aan qaadin Rasuulka kumuu saliyin; waxaa xataa soo gelaya saxaabadii tabiciin tii iyo cidii dabadood timi ee aan ogayn mawlidka!!

## Taariikhda mawlidka ama U dabaal dega dhalashadii Rasuulka iyo wakhtigii la jideeyay:-

waxay isku waafaqsanyihii culimadu iyo taariikhyahanada muslimiintu in dabaal dega Rasuulku dhashay oo wax la akhriyo ama xoolo laqaalaa inay tahay arin cusub oo uu yahay arin aan jirin wakhtigii Rasuulka iyo saxaabada iyo taabiciintaba iyo kuwii ka dambeeyey taasi waa arin dhaba oo aan lagu muransanayn waxay dhamaan culimada isku wada waa faqsanyihii in mawlidka Rasuulku amrin siwaajibnimo ah iyo si sunonimo ah asxaabitii iyo; taabiciintuna farin.

Hadaba tolow waa Ayo cidii ugu horaysay ee latimi? Waxay sheegeen culimo badan oo taariikhyahanada muslimiinta ahi in cidii ugu horaysay ee bilawday ay ahaayeen koox kamid ah shiicada kuwa ugu mayal adag oo looyaqaano {albaadiniya; alcubaydiyiin; alfaadiniyiin}

Waxaa kamid ah culimada taariikhda ee arinkaa sheegay:-

1:-Taariikhyahanka shaaficiga ah ee caanka ah ee layidhaahdo {almaqrissi} wuxuu ku sheegay kitaabkiisa layidhaahdo: -

((المواعظ والاعتبار بذكر الخطط والآثار))

Juska koobaad safxada 40aad

2:-waxaa kale oo sheegay Shaykh layidhaahdo  
Alqalsha qandi wuxuu kusheegay kitaabka  
layidhaahdo: -

((صبح الأعشى))

Jiska sadexaad safxada 494

3:-waxaa kale oo sheegay sheikh layidhaahdo{as-  
sunduubi} wuxuu ku sheegay kitaabkiisa:

((تاریخ الاحتفال بالمولد النبوی))

safxada 69

4:- waxaa kale oo sheegay sheikh la yidhaahdo {cali  
maxfuud} oo ku sheegay kitaabkiisa

((الابداع فی مفارق الابتداع))

safxada 251

Nimankaasi waxay sameeyaan dabaal dega bisha  
mawliidka wakhtigay xukumi jireen masar qarnigii  
afraad, waxay sameeyeen dhawr mawliid oo uu ka  
mid yahay ka Rasuulku, nimanka oo  
islaamnimadoodaba laga hadlay oo waxyaabo aad  
u fool xun sameeya oo ay ka mid tahay inay  
kacbada qaybo kamida dumiyeen oo ayqaateen

xajarul aswadka ayaa ugu horeeyey ixtifaalkan mawliidka sababata ay u sameeyeena waxyaabo kala duwan ayaa lagu sheegay. Kadiban dad kale ayaa kaga dayday cidii ugu horaysay ee dabaal degan ciraaq keenay wuxuu ahaa sheekh Cumar maxamad Al-Arabi Al-mawsili qarnigii 6aad waxaana kaga dayday boqor la oran jiray {Abu saciid mudafarudiin) qarnigii 7aad aadna ugu dadaali jiray kadibna wadamo badan ayuu ku faaafay ilaa uu aad u faafay nimankaa raafiday ah waxaad ka eegi kartaa taariikhdooda { al bidaaya wannihaaya} ee uu qoray ibnu kasiir 17-371 iyo Assiyar ka dahabi 15-173

### Xukunka mawliidku ku lee yahay shareecada islaamka: -

Waxaan ognahay dhamaan oo aynu sifiican ugu dhereganahay sida dadku ay iskugu khilaafsanyihii mawliidka ee ay ugu kalatagsanyihii, qaar waxay ka aminsanyihii in uu yahay shay diin aah oo wanagsan qaar kalena waxay ka aaminsanyihii in uu yahay wax diinta kasoo horjeeda oo aanay banaanayn in laga qayb qaato, la akhriyo.

Hadaba halkan wxaynu ku falanqaynaynaa xukunka uu ku yeelanayo sharciga waxaa qofkasta oo muslim ah waajib ku ah in uu Ogaado in mas'ala kasta oo layskaga horyimaado loo la noqdo kitaabka iyo sunnada Rasuulka ka sugnaatay oo laga dhigo labadooda waxa lagu kala baxayo oo qof kastaa naftiisa ka fogeeyo tacasubka ama dhinac lajirka ku dhisan ku dayashada indhaha la' marka taa lagaa helo oo aad u hogansatid xukunka llaahay waxaada noqonaysaa muumin dhab ah , haddii kale oo aad raacdo naftaada waxaad noqonaysaa qof iimaankiisu aanu dhab ahayn ama xanuunsanayo waayo llaahay ayaa sidaa ina faray waana tan iimaanku keensanayo waxa llaahay yidhi:-

فإن تنازعتم في شيءٍ فردوه إلى الله والرسول إن كنتم تؤمنون بالله واليوم الآخر ذلك خير وأحسن تأويلاً.

Waxa Aayadda macneheedu yahay hadaad wax uun iskaga hortimaadaan waxaad u celisaan llaahay iyo Rasuulka haddaad rumaysantiiin llaahay iyo maalinta danbe sidaas ayaa idiin khayr badan idiina cidhib wanaagsan

Waxaa culimaduna isku raaceen in ucelinta llaahay loola jeedo in loo celiyo Kitaabkiisa , ucelinta Rasuulkuna tahay sunadiisa

Waxa kale oo llaahay yidhi:-

((وَمَا اخْتَلَفْتُمْ فِيهِ مِنْ شَيْءٍ فَحُكْمُهُ إِلَيَّ))

Waxa Aayadda macneeedu yahay: -

Waxaad isku qabsataan xukunkiisa xaga ilaahey ayuu ahaaday)

Waa in arinka aad loogu dhugto oo loofahmo in miisaanka wax kasta lasaarayaa kitaabka iyo sunada yahay , wixii kasoo baxana waa lagu wada qasbanyahay in laqaato hadaynaan amarka qaadan waynu wada halaagsamaynaa waynuna lumaynaa qof walibana hawadiisa ayuu raacayaa oo uu caabudayaan waxayna keenaysaa in lays wada khilaafu oo lakala tafaraaruqo waxa kale oo iyana muhiim ah in aqoon loo yeesho in diinta Islaamku ku dhisantahay laba asal oo waawayn oo kala ah: -

1. In llaahay mooyee cid kale la caabudin.
2. In aan llaahay lagu caabudin illaa wixii uu sharchiyeyay mooyaane wax kale.

arinka hore waaka quraanku inta badan kacabiro Ikhlaas ,waxaana loola jeedaa in llaahay loo gaaryeelo cabuditaanka oo llaahay cibaadada cidkale lala wadaajin cibaadadaasi ha noqoto , Salaad , Soom ,Sako Baryo , Tala saarad ,ama Kaalmaysi

Waxaa Asalkan kasoo horjeeda Shirkiga waxa looyaqaan oo ah in llaahay cid kale lala simo oo lala wadaajyo cibaadada.

Asalkan adiladiisu way badantahay waxaana kamid ah hadalka llaahay yidhi:-

(( وما أمروا إلّا ليعبدوا الله مخلصين له الدين ))

Ayadda macneheedu wuxu yahay:

Lama farin illaa inay llaahay cibaadada u keli yeelaan mooyee, wax kale oo ay Salaadana oogaan Sakadana bixiyaan

Waana u jeedada laga leeyahay Shahaadatu allaa llaaha llaahu waana shayga Dacwadda Anbiyadu kawada midaysnayd oo ah tawxiidka llaahay

Waxa llaahay yidhi: -

وما ارسلنا من قبلك من رسول الا نوحى إلـيـه ))

((أنه لا إله الى أنا فاعبدون

Ayada macneheedu waxay sheegaysaa:-

Rasuul hortaa maanaan dirin ilaa haduu jirana waxanu uwaxyoonay mid xaq lagu caabudaa inaanuu jirin aniga mooyaane, ee aniga uun icaabuda.

Arinka labaad oo ah in llaahay marka loo keli yeelo cabuditaanka in uu noqdo waxa lagu caabudayaa wuxuu llaahay sharchiyeyay

Waxa Rususha llaahay u soo diray si ay u sheegaan wixii llaahay lagu caabudayay oo ah siduu sharchiyeyay, haddii kale qof kasta siduu isagu u arko ama caqligiisu tuso ayuu u caabudilaha lakiin taa lama ogola waxa llaahay yidhi:-

((فاستقم كما أمرت ومن تاب معك ولا تطغوا)).

Waxaad u toosnaataa sida lagu faray adiga iyo kuwa toobad keenay , hana xadgudbina , xadgudubka oo ah in wax lagu daro islaamka ama wax laga dhimo.

Waxaa Asalkan kasoo horjeeda waxa loo yaqaano bidcada oo ah in uu qofku waxaan llaahay sharchiyayn cibaado kadhigto.

Waxaa Rasuulkuna sheegay in aan qofna laga aqbalayn wax aan llaahay sharchiyayn sida ku sugar bukhaari iyo muslim xadiiska caa'isha llaahay raali haka noqdee soo werisay in Rasuulka calayhi salaatu wasalaam yidhi :-

((من احدث في امرنا هذا ما ليس منه فهو رد))

Xadiiska macnihiisu waxa weeye:-

Qofkii layimaada wax aan diinta ka mid ahayn waa lagu celinaya.

Waxa dulucda labada arin ay tahay in wax kasta oo qofku llaaha ugu dhowaanayo in laga helo laba shardi oo kala ah:-

1. in camalka llaahay dartii loo qabanayo
2. In camalkaasi yahay mid Diinta Islaamka ku sugan oo daliil sugaya leh

Hadaad labada arimood si fiican u fahantay waxaynu u guda dhacaynaa xukunka mawliidku uu leeyahay. Horu dhacaa kadib waxaad ogaataa walaalkayga muslimka ahow

In adilada kala duwani iyo xujoojinka cad cadi kutusayaan in dabaal degan dhalashada Rasuulka aanay ahayn wax sharci ah, waxaa weeye arrin lagu soo daray shareecada islaamka waana wax xaaraan ah oo islaamku ogolayn, waxaana inoo cadaynaya waxyaabahan soo socda:-

1- waxaa weeye dabaal degani arin bidco ah oo islaamka sal iyo raadtoona ku lahayn

Adilada sharciga ah iyo hadalad salafkuna aad ayay udhaleeceyeen in diinta lagu soodaro wax aan kamid ahayn oo daliil sugaaya loohayn waxaa Rasuulku nabab gelyo iyo naxariisi korkiisa ha ahaatee yidhi: -

وَايَاكُمْ وَمَحْدُثَاتِ الْأَمْوَرِ، فَإِنْ كُلَّ بَدْعَةٍ ضَلَالٌ ( ) ( ) .  
أَخْرَجَهُ أَحْمَدُ وَابْنُ دَاؤُودَ وَالْتَّرْمِذِيُّ .

Waxaad iska ilaalsaan waxyaabaha diinta lagu soodaro, waayo waxkasta oo diinta lagu soodaraa waa baadi.

Waxaa kale oo Rasuulku yidhi:-

من احدث في امرنا هذا ما ليس منه فهو رد ) ) )  
أخرجه البخاري و مسلم .

Qofkasta oo kusoodara islaamka waxa aan kamid ahayn waa lagu celinayaan

{Riwaayada Al-iimaam Muslim soo saarayna waxay leedahay: -

(( من عمل عملاً ليس عليه أمرنا فهو رد ))

Qofkii qabta camal shariicad aan ku sugnayn waa lagu celinayaan

Saxaabadii iyo salafkii fiicnaa ee inaga horeeyay sidaas ayay isku dardaarmijireen waxyna diidi jireen in llaahay lagu caabudo wax aanu sharciyayn oo bacda nebi ah

Mawliidku in uu bacda nebiyahay waa wax laysku wada waafaqsan yahay mar hadii uu bacda nebi yahayna lama ogola in llaahay loogu dhowaado, ka

ugu dhowaadana laga aqbalimaayo sidaa  
axaadiista ku sugaran

2- waxaa kusugan dabaal degan samaysi ciid sedexaad oo ahayn labada ciidood ee islaamka oo kala ah ciidul FIDRIGA iyo ciidul ADXA iyo ciida wiiga oo ah maalinta jimcaha ciiduhuna waxay ka mid yihiin umuurta shareecada ee aan rayiga laga qaadan ciid afraad in lasamaysto ma aha mid islaamku ogolyahay markii Rasuulku madiina yimi waxay lahaayeen laba casho oo ay ciyaraan markaas ayuu Rasuulku yidhi:-laba kale ayaa llaahay idiinku bedelay **ciidul fidri iyo ciidul adxaa**, marka ciidan kale ee ku beegan dhalashadii Rasuulka calayhi salaatu wasalaam xagee laga keenay?.Waata kele eh yaa ogalaaday hadii Rasuulku labadii cisho udiiday saxaabada reer madiina sidaana ay ugaga hadheen yaa kuwan u ogolaaday ciidan Waa yaabe?!

3- sadexdii qarni ee wanaagsanaa saxabadii iyo taabiciintii iyo kuwii xigay oo ah quruun tii fadliga badnayd EE Rasuulku amaanay layna amray inaynu ku dayano, ahna kuwa inaga jacayl badan Rasuulka lamay iman midna muu samayn dabaal degii dhalashada Rasuulka haduu lahaan lahaa khayr iya gaa inooga dheerayn lahaa ma qof ayaa odhan anaa saxaabadii Rasuulka khayrka ka badsaday. Hadii mawliiidku khayr yahay maxay ula iman

waayeen?! Maxa loo sheegi waayay al- imaan ashaafici ama al-imaam axmad ibnu xanbal, ama maalik, ama abuxaniifa oo dabaal- deg u sameeyay dhalashadii rasuulka? Midna lagama hayo arinkaa, waayo wax aan diinta meelna ku haysan, iyaguna ilahay waxii uu sharci ka dhigay ayay ugu dhawaan jireen oo keli ah.

4- Waxaa ku jira mawliidka Rasuulka loogu dabaal dego ku talax tag iyo xad gudub lagu sameeyay Rasuulka amaantiisa, ilaa wax la waydiistay oo ilahay lala simay Rasuulkuna wuu inoo diiday in lagu talax tago amaantiisa wuxuuna yidhi:

لا تطروني كما أطرب النصارى عيسى ابن مريم ))  
إنما أنا عبد فقولوا عبد الله ورسوله)). رواه  
البخاري

Haku talax tagina siday nasaaradu ugu talax tageen Ciise Ibnu Maryam, adoon ayaan ahay uun waxaad idhaahdaan adoonkii ilahay iyo Rasuulkiisii.

Maxaa ka xun talax tag keenay in lagu sheego Rasuulka in uu waxa maqan ogyahay oo uu daalacanayo wax looxul maxduufka ku qoran, ilahayna wuxuu leeyahay:-

قل لا يعلم من في السموات ولا رف الغيب الاَنْهَى ))  
الله)).

((Ma oga waxa ku sugar samaawaadka iyo dhulka llaahay mooyee)).

Waxa dhacay in Rasuulka laga ag yidhi iyadoo la amaanayo

((وَبِنَا رَسُولُ اللَّهِ يَعْلَمُ مَا فِي غَدٍ)).

Dabadeed wuxuu ku yidhi taa iska dhaafa ma oga waxa beri ku sugar llaahay mooyaane cid kele

maxaa ka xun talax tag lagu sheegay in Rasuulka lagu tilmaamo inuu dunuubta dhaafo iyadoo llaahay leeyahay: -

((وَمَنْ يَغْفِرُ الذُّنُوبَ إِلَّا اللَّهُ)).

((Yaa dunuubta dhaafa oon llaahay ahayn))?

Talax taga caynkaa ah iyo wax ka daran ayaa ku sugar Mawlidka sigaar ah ayaynu u tilmaami doonaa Insha Allaah.

5- Dabaal degani waxa weeye ku dayasho lagaga dayday Nasaarada dabaal deg ay u sameeyeen Ciise Ibnu Maryam, in lagu daydaana waa xaaraan, wuxuu Rasuulku yidhi:-

من تشبه بقوم فهو منهم . رواه ابو داود عن ابن عمر

((Qofkii cid isu eekaysiyyaa cidaa ayuu ka mid yahay)).

Waa inaynu ku dayano saxaabadii wanaagsanayd ee layna amray inaynu ku dayano, waayo may samayn dabaal deg, mise intaynu ka tagno ku dayashadaa saxaabada ayaynu ku dayanaa kiristaanku waxay sameeyaan?!

6- Debaal degani wuxuu keensaday waxyaabo badan oo diinta islaamka xaaraan ku ah. Wixii xaraan keensadana waa xaaraan ee maaha wax diin ah.

- Wuxuu keensaday waxaa ka mid ah ina habeenka la qaadayo raga iyo dumarku isku milmaan ooy isdhexgal sameeyaan, waana arin xun oon islaamku ogolayn.
- Wuxuu kaloo keensaday in habeenkii oo dhan la saamalaylo oo durbaano la tunto marka wakhtigii salaada subax soo dhowaadona la gataati dhoco oo halkaa salaadii subax lagaga tago (Subxaana Laah).
- Wuxuu kaloo keensaday in muusik (music) iyo heeso lagu soo jeedo aan islaamku ogolayn, oo iyadoo salaadii loo adimaayo latunto.

7- Waxaa ku jira mawliidka in ku saligii Rasuulka layska hortaago oo looga dhigo mawliikan bidcada ah in uu yahay saligii Rasuulka

8- Taariikhdan dabaaldega loo samynayo dhalashada Rasuulka layskuma waafaqsana inuu dhashay waxayba culimadu u badan yihii inay tahay wakhtigii uu dhintay. Hadaba maxaa looga dhigay farax maalintii uu Rasuulku dhintay?!. Maxay maalin murugo uga dhigan waayeen?!

9- maalintii Rasuulka calayhi salaatu wasalaam dhashay tilmaamideeda layskuma waafaqsana waxaana laysugu khilaafsanyahay ilaa 7 qowl(hadal) waxaana ugu caansan maalinta 12aad iyo maalinta 8aad ee bisha Rabiicul awal, hadii dabaal degaasi wax mashruuca ahaan lahaa layskuma khilaafeen.

10- Dabaal degani wuxuu keenay inay muslimiintu is khilaafaan oo ay kala tagaan oo ay taag daro ku dhacdo sidaa awgeed waxa waajib ah in laga tago si muslimiintu umidoobaan mar hadii laysla wada ogol yahay inuu yahay wax cusub, hadana dhib ukeenay muslimiinta waxaa waajib ah in layska daayo waxa yaabahaas oo dhan waxay inoo cadaynayaan in ixtifaalkaasi(Dabaaldegaasi) uuna wax banaan ahayn waxaana inagaga filan in uu yahay wax islaamka ku cusub hadii khayr uu ku jiri lahaa waa laynoo sharchiyeen laha waayo khayr

majiro haduu jirrana Rasuulku wuu cadeeyay, wax inaga laynoo tala saartayna majiro.  
Wixii llaahay aynu ku caabudaynay oo dhan waa la cadeeyay  
Qofna uma furna inuu wax cusub iskaga soo daro, kii layimaada laga aqbali maayo  
Hadaba qofkii mawlidka akhrinaya amaba lacag ku bixinayaa, hays waydiyo ma wax khayr ah oo aan llaahay sharcigarayn ayuu isagu sharci garaysanayaaaa?  
Mise saxaabadii ayuu kaga horeeyaa khayrka iyo cibaadada?  
Ha iswaydiyo maxaa daliil ah arinkan xagee loo la noqonayaaa?

### Hadalada shirkiga ah ee ku jira mawlidka la akhriyo:-

waxaa qofkasta ku waajib ah in uu kala saaro xaquuqda llaahay ee khasaa, ista Rabinimo ah iyo xaquuqda khalqigiisa, sida xaqa nebiga naxariis iyo nabad gelyo korkiisa ha ahaatee, si waxkasta meeshiisa uu udhigo isagoo ucuskanaya quraanka kariimka ah iyo sunnada Rasuulka, hadaba waxaad ogaal dhab ah uyeelataa inay kamid tahay xuquuqda khaska llaahay u ah ee rabinimadiisu keenayso in adoonkiisu isaga uun magangalo, wax

waydiisto, hadii dhib ama kurbo ku habsato cid aan llaahay ahayni faydikarin.

Ma banaana qofka dhib ay hayso ama kurbo in cid alle ahayn u cuskado, waana xaq llaahay gaar u leeyahay oo ay waajib tahay in ilaahay loo gaaryeelo sidaasaa iyadana ah waynaynta dhabta ah ee Rasuulka lawayneeyo waayo, waxa waynaynta Rasuulka ugu wayn in lagaga daydo keliyeelida, llaahay ee cibaadada lookeli yeelayo, aayado badan ayuu ilahay ku cadeeyey in dhibta uu ka kor qaado cidii dhibaato ku sugaran waxaa ka mid ah ayaadaha qawlka llaahay yidhi: -

وَإِنْ يَمْسِكَ اللَّهُ بِبَضْرٍ فَلَا كَاشِفٌ لَهُ إِلَّا هُوَ وَإِنْ يَرْدِكَ ((  
بِخَيْرٍ فَلَا رَادٌ لِفَضْلِهِ، يَصِيبُ بِهِ مَنْ يَشَاءُ مِنْ  
عِبَادِهِ)).

Waxaa llaahay leeyahay isagoo nabiga la hadlaya hadii llaahay dhib ku taabsiyo cid aan isaga ahayni faydi mayso hadii uu khayr kula doonona cid celin kartaa ma jirto fadligiisa ciduu doono oo adoomihiisa ah ayuu siyaa)).

Waxa kale oo llaahay yidhi: -

وَإِنْ يَمْسِكَ اللَّهُ بِبَضْرٍ فَلَا كَاشِفٌ لَهُ إِلَّا هُوَ وَإِنْ يَمْسِكَ ((  
بِخَيْرٍ فَهُوَ عَلَيْهِ كُلُّ شَيْءٍ قَدِيرٌ)).

Hadii llaahay dhib ku taabsiyo isaguun baa kaa qaadi kara haduu nimco ku siiyona wax kasta isagaa awooda, Rasuulkiicalayhi salaatu wasalaam khalgiga ugu sharafta badnaa ayuu llaahay sidaa ku leeyahay cid kalena iska dhaafuu waa in sidaa aad aamintid oo aad ku dhaqantid si aad u noqotid dhab ahaan qof Rasuulka calayhi salaatu wasalaam raacsan waxaa kaloo llaahay yidh:-

((أَمْنٌ يُجِيبُ الْمُضطَرُ إِذَا دَعَاهُ وَيَكْشِفُ السُّوءَ)).

((Waa kee ka aan llaahay ahayn ee markuu baryo qoka dhibani ajiiba oo dhibka ka kor qaada))

Waxaad ogaataa in gaaladu wakhtigii Rasuulka calayhi salaatu wasalaam ay ogolaayeen in dhib llaahay kaligii faydo, hadan llaahay cid kale ayay ku lamaanayn jireen marka uu dhibta ka qaado waxaa llaahay yidhi: -

وَإِذَا مَسَكَ الْفَرَّ في الْبَحْرِ فَلَمْ يَرْجِعْ إِلَيْهِ أَيَّا هُوَ  
فَلَمَّا نَجَّاكُمْ إِلَى الْبَرِّ أَعْرَضْتُمْ وَكَانَ الْإِنْسَانُ  
كَفُورًا

Markaa bada dhib idinku qabsato, cid kastoo llaahay sokadii baryi jirteen way idinka maqnaataa hadana marka beriga laydiin badbaadiyo ayaad shirki samaysaan)).

Hadaba iyadoo ayaduhu sidaa u cadyihii ayaa dad muslimiin sheeganaya markay dhibta ku dhacdo ayay Rasuulka calayhi salaatu wasalaam baryayaan in dhib uu ka faydo ama dadka dhintay ee qabuuraha ku aasan iyagoo ku sheegaya in Rasuulka calayhi salaatu wasalaam ama awliyada waynaynayaan!!

Waxaa la wada ogsoonyahay in arinka Rasuulka calayhi salaatu wasalaam iyo mid ka mid ah saxaabadiisu amrin ee uu fari jiray wixii llaahay faray uun oo ah in kaligii la baryo, lamagan galo wuxuu llaahay yidhi: -

أربابا، أيامركم بالكفر بعد إذ أنتم مسلمون  
ولا يأمركم أن تتخذوا الملائكة والنبيين

Idin fari mayo inaad ka dhigataan malaa, igta iyo nabiyada rabiyo aad caabudaan ma wuxuu idin amrayaa gaalnimo idinkoo muslimiin ah ka dib)).

Waxay aayadu sheegaysaa in malaa, igta iyo anbiyada waxyaabaha laga doono oo llaahay la gaaryahay ay tahay gaalnimo. Mana aha jacaylka Rasuulka calayhi salaatu wasalaam waxaan ku waydiinay akhristaha sharafta mudanow hadaad aragto qof sheeganaya inuu Rasuulka calayhi salaatu wasalaam jecelyahay oo uu waynaynayo oo uu ku amaanayo inuu yahay Rasuulka calayhi salaatu wasalaam ka abuuray dhulka iyo samada roobka

keenay wabiyada jeexay buuraha taagay miyaad ka shakiyaysaa inuu beenaale yahay jacalyka Rasuulkunacalayhi salaatu wasalaam ka dhab ahayn?!

Hadaba waxba uma dhexeeyaan tan iyo in Rasuulka calayhi salaatu wasalaam laga dalbo inuu dhibka faydo ama gargaar bixinayo sidaynu llaahay abuurista ugu kali yeelnay waa inaynu baryadana ugu keli yeelnaa.

Waxaa laga yaabaa in akhristuhu yidhaahdo, oo waxyaabahan la sheegay in Rabi la gaaryahay macidbaa ka shakisan Muslim sheeganaya tolow?

Waxaan kuugu jawaabayaa boqol jeer HAA HAA  
Waxaan halkan kuugu soo bandhigi doonaa waxyaabaha layaabka leh ee ku yaal kutubta mawlidka ee ufiirso waxaan gacanta kuhayaa kitaab layidhaahdo:-

### ((مجموع مولد شرف الانعام)).

Waxaa kitaabkaa lagu ururiyay dhawr kitaab oo kutubta mawlidka ah, oo kuwa ugu cansan ah ee masaajida qaarkoodna laga akhriyo waxaa lakala yidhaahdaa:-

- .((مولد البرزنجي (نشر \*.
- .((مولد البرزنجي (نظم \*.
- البردة \*

Hadalada kuyaala kutubtaa ee meel kadhaca ku ah llaahay, ee lagu baryaayo Rasuulka calayhi salaatu wasalaam ama gargaar lagu waydiisanaayo. waxaa kamid ah hadaladan soo socda:-

1:-Waaxaa kuyaal kitaabka boga sadexaad: -

السّلَامُ عَلَيْكَ \* \* \* يَا مَاحِيَ الذَّنْبِ.

Waxaa weeye macnihisu naxariisi korkaaga ha ahaato ka dunuubta tirtirow)).

Waxaad iswaydiisa yaa adoomaha dunuubta ka tirtira ma cid aan llaahay ahayn?

llaahay ayaa inoo cadeeyey in keligii dunuuba dhaafo wuxuuna yidhi: -

((وَمَنْ يَغْفِرُ الذَّنْبَ لَا إِلَهَ)).

2:-Waxaa ku yaal boga afraad 4aad

السّلَامُ عَلَيْكَ \* \* \* يَا جَالِيَ الْكَرُوبِ)).

waxa weeye macnihisu naxariista korkaaga ha ahaato ka dhibta faydow)).

llaahayna waxa u sheegay in keligii dhibta faydo

3:-Waxa ku yaal boga 8aad

يَا رَسُولَ اللَّهِ يَا خَيْرَ كُلِّ الْأَنْبِيَاءِ نَجَّنَا مِنْ هَاوِيَةٍ  
يَا زَكِيَّ الْمَنْصِبِ

Waxa weeye macnihiisu Rasuulkii calayhi salaatu wasalaam llaahayow anbiyada kii ugu khayr badnaw.naga badbaadi haawiya!!

Ma cid aan llaahay ahayn ayaa cadaabka hawiya  
wax kabadbaadiya  
4:-Waxa kuyaala boga 17aad

فَجُدْ يَا رَسُولَ اللَّهِ مِنْكَ بِرَحْمَةِ \*\* لِعَبْدِ أَسِيرِ بَا<sup>لِذَنْوَبٍ يَقْبَلُ</sup>

Waxaa weeye mecnihisa Rasuulkii llaahayaw waxad ugu deeqdaa naxariis adoon dunuubi kugu soo qaabilaya!

Rasuulka ayuu baryaya oo waydiisanaya in dunuubta uu ku soo qaabilayo uga naxariisto llaahayna wuxuu leeyahay: -

((وقال ربكم ادعوني استجب لكم)).

I barya aan idinka ajjibee

Waxaa llaahay leeyahay:-

((وان المساجد الله فلا تدعوا مع الله أحدا)).

Xubnaha aad ku sujuudaysaan ama meelaha aad ku sujuudaysaan llaahay ayaa leh ee cidnaba)).

Ha baryina, llaahay ayaa run sheegay Ninkan gabyayna wuu gafay xaqii llaahayna wuu dafiray  
5- Waxaa ku yaala boga sided iyo soddonaad 38aad: -

أنت للرسل ختام \*\*\* أنت للمؤلئ شكور  
عبدك المسكين يرجو \*\*\* فضلك الجم الغفير  
فيك قد أحسنت طني \*\*\* يا بشير يا نذير  
وأغثني وأجرني \*\*\* يا مجير من السعير  
يا غياثي يا ملا ذئ \*\*\* في مهمات الأمور

ABYAADDAN aad ayuu qofka muslimka ahl ee tawxiidka llaahay fahansiiyay uga naxayaa waxa shirki badan oo kala duwan, waxaana ka mid ah :-

- 1- Rasuulkacalayhi salaatu wasalaam oo uu waydiisanaayo in uu ugargaaro, dhibaatadana uga soo gurmado .
- 2- Rasuulkacalayhi salaatu wasalaam oo uu waydiisanaayo inuu naarta saciira ka magan galiyo .
- 3- Rasuulka calayhi salaatu wasalaam oo gargaar iyo nabad gelyo ka dhiganayo marka dhibta wayni ku dhacdo
- 4- Rasuulka calayhi salaatu wasalaam oo rajaynayo fadligiisa badan

- 5- Rasuulka calayhi salaatu wasalaam mala fiican uu ka filanayo hadaba, miyaa lagu tilmaami karaa qof adoon Ilaahay u ah mise waa qof Rasuulkii Ilaah ka dhigtay oo caabudaya Ilaahow tawxiidka nagu sug.
- 6- Waxaa ku qoran boga sagaal iyo soddonaad 39aad

فعليك الله صلي \*\*\* دائم طول الدهر  
 يا ولبي الحسنات \*\*\* يا رفيع الدرجات  
 كفر عنى الذنوب \*\*\* واغفر عنى المسئيات  
 انت غفار الخطأ يا \*\*\* والذنوب الموبقات  
 أنت ستار المساوى \*\*\* ومقيل العثرات  
 عالم السر وأخفى \*\*\* مستجيب الدعوات

Abyaadan xaquuqdii Ilaahay lahaa iyo sifaadkii Rabi uuyuu Rasuulka calayhi salaatu wasalaam ku taxay waxa uu koobsaday: -

- A- Rasuulka calayhi salaatu wasalaam oo ka baryaaya inuu dunuubta ka dhaafo oo ka tirtiro.
- B- Rasuulka oo uu ku tilmaamayo dambi dhaafe badne yahay iyo in dunuubta wax ha layga dhaafo

C- Rasuulka calayhi salaatu wasalaam uu tilmaamayo inuu yahay ka dunuubta astura, simbiririxadana ka dhaafa yahay

D- Rasuulka calayhi salaatu wasalaam oo ku sheegayo In waxa la sirysto iyo waxa kasii qorsoon sirta ogyahay.

E- Rasuulka oo lagu sifaynayo yeedhmada ka ajiiba inuu yahay.

Hadaba quraanka u laabo ka tilmaamahan lihi ma Rasuulkaa calayhi salaatu wasalaam mise waa llaahay?!

Waxaad moodaa in llaahay uu illobay oo uu xaqqisii uu siiyay Rasuulka calayhi salaatu wasalaam

F- Waxa ku yaal boga koob iyo lixdanaad 61aad iyo ka 26aad: -

((ألا يا نبی الهدی أغث من بذکرک یصح)).

Waxa weeye micniiisu nebigii hanuunkaw waxaad u gargaartaa mid xuskaaga ku dhawaaqaaya,

Rasuulkuna calayhi salaatu wasalaam wuxuu ku ducaysan jiray: -

(يَا حَیْ يَا قِیومَ بِرَحْمَتِكَ اسْتَغْبِثُ

Allaha nolol dhamays Tiran lahow, Allaha koonka maamulka ku qumow. Naxariistaada ayaan gargaar waydiisanaya

Kana intuu llaahay ka jeestay ayuu Rasuulka calayhi salaatu wasalaam gargaar waydiisanaya

G- Waxa ku yaal boga boqol iyo todobaatan iyo labo 172aad

فَإِنْ مَنْ جُودَكَ الدُّنْيَا وَضَرَّهَا \*\* وَمَنْ عِلْمَكَ عِلْمٌ  
اللَّوْحُ وَالْقَلْمَ

Waxaa macnihiiisu yahay:-

Waxaa ka mid ah deeqdaada aduunyada iyo dangaladeeda aakhiro ,waxaa ka mid ah cilmigaaga waxa looxul maxfuudka ku yaala iyo waxa qalinku qoray.

Hadaba waa yaabe muxuu llaahay uga tagay markay aaduunyo iyo aakhiroba tahay deeqdii Rasuulkacalayhi salaatu wasalaam waxa looxul maxfuudka ku yaal iyo qalinku qorayo Rasuulka{SCWogyahay, waxaa aayado badan ilahaay ku tilmaamay waxa maqan in kaligii ogyahay sida llaahay yidhi: -

قُلْ لَا يَعْلَمُ مَنْ فِي السَّمَاوَاتِ وَالْأَرْضِ الْغَيْبُ إِلَّا اللَّهُ

Ma oga cidna cida ku sugan samooyinka iyo dhulalka dhamaantood llaahay mooyee)).

Aayadaha qaarkood waxa llaahay Rasuulka calayhi salaatu wasalaam inuu yiraahdo: -

قُلْ لَا أَمْلَكُ لِنَفْسِي نَفْعًا وَلَا ضَرًا إِلَّا مَا شَاءَ اللَّهُ ))  
وَلَوْ كُنْتُ أَعْلَمُ الْغَيْبَ لَا سِكْرَةً مِنَ الْخَيْرِ وَمَا  
مَسَنِي السُّوءُ إِنْ أَنَا إِلَّا نذيرٌ وَبَشِيرٌ لِّلنَّاسِ  
يَؤْمِنُونَ)). سُورَةُ الْأَعْرَافِ 188

Waxaad tidhaahdaa anigu uma hayo naftayda dhib iyo dheef.midnaba, wixii ilaah doono mooyee, hadaan ogaan lahaa waxa maqan khayrkaan badsan lahaa, wax dhib ahina iguma dhacdeen, waxaan ahay uun mid gaaladana u digaya,miniintana u bushaaraynaya)).

waxay aayadu sheegaysaa in llaahay kaligii dhibta iyo dheeftaba hayo, Rasuulkuna calayhi salaatu wasalaamdhib iy dheefba u hayn naftiisa iyo cid kele toona, waxa maqana ogayn, hadii uu ogaan lahaana dhibi kuma dhacdeen.

Kuwanina waxay rasuulka ka baryayaan inuu dhibta ka korqaado ,waxayna ku tilmaamayaan inuu ogyahay waxa maqan, waxaa halkaa kaaga cadaanaaya in hadalka ilaahay dhab yahay, kooduna shirki shaydaanku u qurxiyay yahay oo uu uga dhigay diin.

Rasuulku calayhi salaatu wasalaam wuxuu sheegayaa inaanu waxa maqan ogayn waxaa xadiis saxeexa oo bukhaari soo saaray ay ku sheegtay saxaabiyada la yiraadho (Rubayic Bintu Mucawid) ina Rasuulku calayhi salaatu wasalaam u soo galay iyadoo gurigalkeedii ku jirta ay habla yaryarina qaadayaan hadalo ay ka mid tahay: -

((وفينا نبي يعلم ما في غد)).

Waxaa naga mid ah nabi OG Bari waxa jira)).

Dabadeed waxaa Rasuulku calayhi salaatu wasalaam ku yidhi:

لا تقولي هكذا ، وقولي ما كنت تقولين )) .

Sidaa ha Oran ee waxaad markii hore lahayd iska dheh)).

Waxaa kaloo caa, isha llaahay raali ha ka noqdee ay soo warisay in Rasuulku calayhi salaatu wasalaamyidhi:-

لا يعلم ما في غد إلا الله . رواه الحاكم )) .

Waxa berri jira ilaahuun baa og cid kale ma oga)).

Sidaas ayuu Rasuulku calayhi salaatu wasalaam ahaa oo saxaabada ku Odhan jiray ,kuwa berri waxa jira iska dhaafe, looxa waxa ku qoran ayay inuu ogyahay ayay aaminsanyhiin.

Waxaan hadalkayga ku ururinayaan marka mawliidka la diidanyahay saliga Rasuulka calayhi salaatu wasalaam lama diidana ee waxa foosha xun ee xadgudubku ku jiro ee saliga umada looga dhigayo ayaa la diidanyahay waxaa la yaab leh in hadal raqiis ah dadka qaarkood ay rumaystaan waxyaabaha shareecada khilaafasan ee kutubta

mawliidka ku jira way badanyihii lamana koobi karo intaas qof caqliga iyo fahan leh way ku filantahay ka hawo raaca ahna wax ma deeqayaan.

### Maxay culimada muslimiintu ka yidhaahdeen dabaal degan:

Dad badan ayaa rumaysan in mawlidku yahay cibaadao soojireen ah oo meel kasta lagu qabto, kuwa diidana ay yihiin dad diin cusub wada Sidaa awgeed waxaan soo bandhigi doonaa culimo taariikhdoodu fog tahay iyo qaar ay dhowdahay waxka sheegeen mawliidka, waxaad ogaata walaalkayga muslimka ahaw in mawlidka diididiisu tahay mid horaysay oo aanay ahayn mid hada uun lalayimi, waxaa cadayna sida culimo wakhti hore diiday oo tilmaamay in uu yahay wax islaamka lagu daray kadib wakhtigii saxaabada iyo taabiciinta, Waxayna ku tilmaaameen in qofku ajarka helayn dambi mooye.Waxaa culimada kamid ah:-

1-Shiikha wayn ee la yidhaa:-Al-imama Abuu Xafsa – taajudiin, kitaab ayuu kaqoray oo uu ku sheegay in uu yahay waxsal iyo raad toona lahayn

2-Waxaa ka mida culimadaa sheikh layidhaahdo: - Al-imam Ibn Alxaaj, wuxuu dhintay markay hijriyadu ahayd {173} kitaabkiisa almadkhal ayuu kusheegay in bidco uu yahay

3:-Waxaa ka mid ah sheikh layiraahdo magiciisa :{ Ibnu naxaas} wuxuu ku diiday kitaabkiisa Tanbiihul qaaifiin.

4:-Waxaa kamid ah {Al-imam} AShaadibi, wuxu ku sheegay kitaabkiisa {Al-ictisaam}

5-waxaa ka mid ah iimaamka caan ka ah ee la yidhaahdo shawkaani-sida uu ku sheegay kitaab uu kaga hadlay

6-waxaa ka mid ah {Al-imam taqiyu-diin wuxuu kuu sheegay fataawihiisa, culimadaa iyo culimo kale oo ka danbeeyey oo diidey ayaa jiray si kastaba ha ahaatee wax loo cuskanayo waxkasta waa kitaabka iyo sunaha nebiga midna laguma hayo mawliidka Hadaba ha'umalayn mawliid ku inuu yahay mid maanta uun la diidey hore ayaa culimadaasi u diideen.

Inaga oo aan dhalanba wakhti hore cidii mawliidka difaacda dalil cusub ayaa looga baa hanyahay inuu keeno, waligii ma helikaro hal xaraf oo mawliid sheegaya.

## Gebagebo iyo gunaanad:-

Waxaan kusoo gunaanadayaa qoraalkan dardaaran aan kula hadlaayo dadka iyagu aqoon ulahayn diinta wax ay culimada kamaqlaan mooyee waxaan kula dardaarmayaa dhowr arin ookala ah:-

- 1) In ay llaahay kabaaqan oo ay ku dadaalaan barasahada diinta, waayo ka bixi maayaan shakiga iyo khilaafka ilaa ay diinta baranayaan
- 2) Waxaan ugu nasteexaaynaynaa in ayna cid uun iskaga deyan mawliidka iyo difaaciisa, qofna loogucudur daari mayo aw hebel mar hadii uu ogaaday mawliidka in layidhi waa wax aan diinta kamid ahayn ama muran ayaa kataagan waxaa waajibku ah inay kudaalaan siday xaqa ugaran lahaayeen waxaad kawarantaa hadaad istidhaahdo guri iibso oo lagugu yidhaahdo laboqolo ayaa iibinaaya oo isku haysta miyay suurto gal kuutahay inaad dhinac uun gurigaa ka iibsato? Mise waad hubsan lahayd cida leh amaba iska taagi lahayd iibsigaa? Waatusaale aduunyo maxaad umalaynaysaa diinta miyay haboontahay waxla leeyahay waa dambi xun iyo wuu iska

fiican yahay inaad labadii qolo dhinac uun iska taageerto adoonhubsan oo dadaalin?!

- 3) Wuxuu kula dardaarmaynaa inay iska daayaan mawliidka iyo dabaal degiisaba iyo waxku bixintiiisa.Waayo qofka mawliidka iska daaya in uusan wax danbi ah lahayn waa wax laysla ogol yahay ka ka qayb qaataana wuxuu ku dhacay arrin lagu danbaabayo hadii aan jahli loogu cudurdiirin.Hadaba wax hadii aad katagto aanad ku dambaabayn hadaad samaysana laleeyahay waademi maxaa kugu kalifaaya samayntiisa wixii ku shaki geliya iskagatag waad badbaadine
- 4) Wuxuu kuladardaarmaynaa waxii aanay oqoon ulahayn ee diinta khusiija in ay ka aamusaan waa xaaraan waxanad cilmi ulahayn in aad kahadasho.
- 5) Iska ilaali inaad wax baadil ah aad difaacdo, adoon garanayn maalinta yowmul qiyaamaha waa lagu waydiin waxaad kudifaacday maxaad kujawaabi!! **{Kafiirso intaanad falin}**.
- 6) Waxaadogaataa inayna maalinta qiyaamaha xujo kuu noqonayn sidaasaan soo gaadhay ama maqli jiray hadaanad daliil cad u haynin oo kitaabka iyo sunada ah.Kuwa mubtadicada

ah llaahay ha soohanuuniyo sharkoodana  
muslimiinta hakajoojiyo inagana ilaahahay  
xaqahaynagusugo

وصلى اللهم على سيدنا محمد وعلى آله  
وصحبه وسلم تسليماً كثيراً الى يوم  
الدين

هل لديك معرفة عن احتفال المولد؟

بِقَلْمِ

(أبي الحسن موسى محمد عبد الرحمن (ترح